

ERA CRASTA

Numerò 21 · abriu 2003

Impresi sense adreça

VIELHA PERA PATZ

Era guèrra qu'eth Govèrn des Estats Units, damb eth supòrt des Govèrns de Gran Bretanha e Espanha, a començat contra Irak mos semble terriblament injusta.



1 VIELHA PERA PATZ

Pagament des taxes municipaus der Ajuntament de Vielha-Mijaran an 2003.

Impòst sus activitats economicas

Impòst sus Veïculs de Traccion Mecanica

Bastiment de viuendes de proteccion oficiau en Vielha

Un nau espaci de léser en Vielha-Mijaran

Bossa joena de trabalh

Supòrt ath Plan Generau de Joenessa

Campeonats de catalonha de patinatge artistic.

Participacion deth conselh d'esquí ena fasa nacionau d'esquí alpin.

Agenda culturau
Agenda esportiva

Toti èm conscient dera complexitat deth problèma auent en compde eth marc mondial actua, profundament alterat peth terrorisme e es desequilibris deth poder, e tanben coneishem eth caractèr despotic e sanguinari deth regim iraquian, ena des.hèta deth quau toti i èm d'acòrd, mès aquestes rasons non invaliden era conviccion de que calie auer trapat ua solucion pacifica e sustot que calie actuar laguens deth marc des Nacions Unides.

Eth Govèrn espanhòu a decidit de manèra unilateralau intervien ena guèrra, sense eth supòrt dera immensa majoria des ciutadans der Estat.

Er Equip de Govèrn Municipau, des des nòstes conviccions politiquas pluraus e des des nòstes conviccions moraus, manifestam era nòsta absoluta oposicion ad aquesta guèrra e exigim ath Govèrn espanhòu qu'acabe immediatament damb era nòsta implicacion en aquesta.

Pagament des taxes municipaus der Ajuntament de Vielha-Mijaran an 2003.

Per acòrd dera Comission de Govèrn, en session celebrada eth dia 10 de hereuèr de 2003, s'aprovèc eth calendari fiscau de recaptacion en voluntària des taxes e impòsti de crubament periodic corresponent ar exercici de 2003, en tot establir-se es següents periòdes:

- Taxa entara entrada de veïculs a trauèrs des trepaders.

Eth periòde de crubament en voluntària serà de dus mesi, deth 28 de març ath 28 de mai deth 2003.

- Taxa entath manteniment deth hilat de subministrament d'aigua potabla.

Eth periòde de crubament en voluntària serà de dus mesi, deth 28 de març ath 28 de mai deth 2003.

- Taxa entara aucupacion de terrenes d'usatge public damb taules e cagires tamb finalitat lucrativa.

Eth periòde de crubament en voluntària serà de dus mesi, deth 15 de juriòl ath 15 de seteme deth 2003.

- Impòst der increment dera tarifa de Sanejament dera Generalitat de Catalonha.

Eth periòde de crubament en voluntària serà de dus mesi, deth 15 de juriòl ath 15 de seteme deth 2003.

S'avertís que, transcorrut aquest periòde de crubament en

volentària, es recebuts incorreràn en recargue deth 10 per 100, enquia que non age estat notificada era providència de constrenhiment. Dempús d'aquest dia, s'exigirà eth recargue deth 20 per 100 en tot iniciar-se eth procediment de crubament en via executiva, somadi es interèssi de demora, e en sòn cas, des còsti deth procediment, en tot çò que se dispaue enes articles 100, 108 e 153 deth Reglament Generau de Requeptacion..

Cossent damb çò establhit enes articles 124.3 dera Lei Generau Tributària e 14.4 dera Lei 39/1988 de 28 de deseme, reguladora des Isendes Locaus, se notifique collectivament era presenta resolucio, contra era quau se poderà interpausar recors de reposicion, prealable ath contenciós-administratiu, deuant deth madeish organ que l'a dictada en tèrme d'un mes, a compdar de londeman dera sua publicacion en Butletin Oficiau dera Província de Lhèida. Eth nomentat recors s'entenarà desestimat se transcor un mes des dera sua interposicion sense que se notifique era sua resolucio.

Contra era desestimacion deth recors de reposicion se poderà interpausar recors contenciós-administratiu deuant era sala corresponenta deth Tribunau Superior de Justícia de Catalonha en tèrme de dus mesi, compdadi des de londeman dera notificacion der acòrd resolutori deth recors, e se non se notifiqùesse cap d'acòrd resolutori en tèrme d'un an a compdar dera data d'interposicion deth recors.

Impòst sus activitats economiques

Era Lei 51/2002, de 27 de deseme, de reforma dera Lei 39/1988 de 28 de deseme, Reguladora de las Haciendas Locales, introdusís era modificacion dera regulacion der Impòst Sus Activitats Economiques, dirigida basicament e eximir deth pagament d'aquest impòst ara majoria des petits e mejans negòcis.

Es principaus modificacions son:

Non auràn de pagar er impòst totes es persones fisiques e tanpòc aqueres personas juridiques qu'agen auut ua chifra de negòcis inferior a un milion d'èuros.

Tanpòc auràn de pagar er impòst toti es subjèctes passius que comencen era sua activitat pendent es dus prumèrs periòdes impositiu.

Se cree un nau coeficient, a aplicar sus es quòtes des tarifes, determinat en foncion dera chifra de negòcis deth subjècte passiu.

S'unifiquen er actuau coeficient municipau e er actuau index de situacion, en un unic coeficient de situacion.

Pr'amor d'aquesta modificacion legau era Corporacion Municipau en session extraordinària celebrada eth dia 13 de hereuèr de 2003, acordèc aprovar era modificacion parciau dera ordenança numerò 27 que regule er Impòst sus Activitats Economiques en municipi e es coeficients de situacion son:

Carrèrs de 1ª categoria : 1,96
Carrèrs de 2au.categoria: 1,68
Carrèrs de 3au categoria: 1,40

Era categoria fiscau des vies publiques demore dera manèra que seguís:

1ª categoria: Avenguda Castièro, Avenguda Pas d'Arró, Passeg dera Libertat, e Avenguda Baile Calbetó Barra.

2au. categoria: Toti es carrèrs des Entitats Municipaus Descentralizadas, era Carretèra C- 28 e era Carretèra N-230.

3au. categoria: Toti es auti carrèrs de Vielha non includidi ena prumèra categoria.

Ua auta modificacion realizada pera madeisha Lei e que credem important informar-vo'n a toti es vesins ei :

Impòst sus Veïculs de Traccion Mecanica

Seràn exempti de pagar aquest impòst toti aqueri veïculs tà persones de mobilitat redusida a qué se referís era letra A der anèx II deth Reglament Generau de Veïculs, aprovat per Reiau decret 2882/1998, de 23 de deseme.

Tanben seràn exempti es veïculs matriculadi a nòm de minusvalids tath sòn us exclusiu. Aquesta exempcion s'aplicarà en tot se mantenguen dites circumstàncies, tant enes veïculs amiadi per persones discapacitades coma es destinadi ath sòn transport.

Es exempcions previstes enes dus paragrafs anteriors non resultaràn aplicables as subjèctes passius beneficiaris des

madeishi per mès d'un veïcul simultanèament.

A efèctes de çò dispausat en aquest paragraf, se consideraràn persones damb minusvalia as qu'agen aquesta condicion legau en grad igual o superior ath 33 per cent.

Entà obtier aquesta exempcion es interessadi auràn de presentar ua instància en Ajuntament sollicitant era sua concession, indicant es caracteristiques deth veïcul, era sua matricula e era causa deth benefici; calerà aportar tanben eth certificat dera minusvalia emetut per organisme competent e justificar eth destin deth veïcul. Er Ajuntament declararà era exempcion e expedirà un document qu'acreditarà era sua concession.

Bastiment de viuendes de proteccion oficiau en Vielha

Coma rebrembaratz, hè dejà quauqui mesi vos auancèrem qu'er Institut Català del Sòl, auie previst bastir viuendes de proteccion oficiau en un parçan plaçat ena Avenguda Maladeta num.

17 deth Solan.

Era superficia deth solar ei de 871.03 m2 çò que supausarà 1.467.21 m2 de superficia bastida.

Er objectiu ei era construccion de 20 abitatge de loguèr, de 40 m2 es d'ua abitacion e de 50 m2 es de dues abitacions.

Cada ua des viuendes aurà era sua plaça de parcatge corresponenta e enes baishi dera bastissa i aurà locaus comerciaus.

S'an començat dejà es trabalhs, e era prevision de finalizacion se tot va ben, ei tar estiu der an 2004.

Quan coneishegam es condicions tà poder accedir ad aquestes viuendes, er Ajuntament de Vielha-Mijaran vos ac comonicarà a toti es vesins.



Un nau espaci de léser en Vielha-Mijaran



Coma toti rebrembaratz er Ajuntament de Vielha-Mijaran e eth Ministerio de Defensa an arribat a un acòrd sus es terrens a on i auie plaçada era casèrna militar.

Des d'ací vos volem informar de çò que se harà en aguesti terrens.

Era actuacion s'emmarque laguens der àmbit deth PP-3 de Vielha, coïncidint damb era anteriora finca des casèrnes militars de 25.555,64 m²

En çò que tanh ara propietat, er àmbit se dividís en dues parts:

- 22.530,64 m², que representen eth 88.1631% deth totau, propietat der Ajuntament e Vielha-Mijaran obtiengudi gratuïtament per cessions deth Plan Parciau. 3.090,39 m² corresponenti a un solar destinat a un equipament public, e eth rèste destinat a un espaci liure public e aïraus de parcatges.

- 3.025,00 m², que representen er 11.8369% deth totau, corresponenti a un solar apte tar aprofitament privat. Apertien en proindivís, en un 90% ara Gerencia d'Infraestructures e Equipaments deth Ministèri de Defensa, e en un 10% ar Ajuntament de Vielha-Mijaran, obtengut gratuïtament pes cessions deth profitament deth plan parciau. Aguest solar gesserà proximament a subasta Eth parc pròpiament dit, a ua superficia de 15.005,56 m². Pera sua grana dimension se plantege coma eth parc centrau de Vielha, eth paumon dera vila. Un gran espaci equipat tà practicar ar aire liure multiples activitats culturaus, de léser, festives etc.

Se trape emmarcat entre dus limits clars: Era Avenguda Pas d'Arró e er arriu Garona.

En çò que tanh as usi, se dividís en quate granes zònes de manèra qu'eth conjunt se conforme coma ua unitat.

ERA PLAÇA

Ua plaça publica de caractèr urban que da ara Avenguda Pas d'Arró e que se trape entre es dues parcelles edificables deth recinte, ua destinada tà abitatzes e locaus comerciaus e era auta tà equipaments.

Aguesta plaça, degut ara topografia, se place coma guardader privilegiat sus eth parc e se pòt entèner coma era entrada ath madeish des dera vila. Tanben comuniqua dirèctament, ampliant era sua dimension, damb er airau comerciau deth solar de profitament privat.

ETH JÒC

Un tapis de superficies de diuersi colors e textures, pensat tà jòcs infantils, jòcs tara gent grana, espòrts etc, e qu'a gessuda dirècta des der airau des locaus comerciaus.

ERA CEREMÒNIA

Ei un espaci liure centrau, a on s'i poderàn desvolopar activitats ar aire liure enes quaus s'age de besonh d'un espaci ample, espòrts d'equip, espòrts de nhèu, etc. Un espaci que pogue acuelher activitats multitudinàries coma concèrts, actes hestèrs, culturaus, etc.

ERA NATURA

Ua zòna de caractèr boscós e topografia ondulada pensada tà passegi e descans, qu'arribarà enquiath nau carrèr.


Era circulacion deth parc se definís mejançant dus recoruts principaus:

- Un ei era contunhacion deth passeg que i a ath cant der arriu, que manten eth caractèr de parc fluviau e qu'ara demore interromput pera impossibilitat de traussar era parcel·la des militars.

- Er aute ei eth recorrut entre era Avenguda Pas d'Arró e er arriu, que se desdoble en un camin a ran de tèrra que seguís era topografia descendenta e qu'arribi ath cant der arriu a on i traparam ua passarèlla tà poder traussar tath solan, atau coma un eishamplament artificial, pensat tà banhar-s'i; e un passatge elevat que servirà coma guardader sus eth parc e que vò èster er element emblematic deth parc.

Eth projècte deth parc a un pressupòst de 2.339.762,00 èuros, e serà finançat intègrament per adjudicatari deth solar de profitament privat, coma còst d'urbanizacion deth plan parciau.

VIELHA





1. PARCÈLLA DESTINADA A VIUENDES E LOCAUS COMERCIAUS

2. PARCÈLLA DETINADA A EQUIPAMENTS

3. PLAÇA

4. PASSEG D'UNION ENTRE ERA AVENGUDA PAS D'ARRÓ E ETH PASSEG DER ARRIU GARONA

5. PALANCA ELEVADA SUS ETH PARC

6. PASSEG ATH CANT DER ARRIU

7. AIRAU DE JÒCS INFANTILS

8. AIRAU DE JÒCS TÀS ADULTS



9. PLATAFORMA DE HORMIGON MULTIUSI PREMANIDA TÀ PLAÇAR-I ESCENARIS.

10. GESSUDA DER AIRAU COMERCIAU TATH PARC

11. Taulèr gigant d'escacs

12. AIRAU DE PASSEG E BÒSC

13. EISHAMPLAMENT DER ARRIU TÀ BANHAR-S'I



SECCION A-A'

VISTA AÈREA DETH PARC



Bossa joena de trabalh

Laguens deth marc deth Plan Generau de Joenessa dera Val d'Aran, des deth passat 1 de març, eth Departament de Joenessa deth Conselh Generau d'Aran a iniciat era Bossa Joena de Trabalh. Ua iniciativa entàs joeni d'entre 16 e 29 ans tamb er objectiu de potenciar, fomentar e melhorar era creacion e aucupacion de lòcs de trabalh.

Ei dubèrta a toti aqueri que volgatz trapar un lòc de trabalh, tanben a toti es que ja trabalhatz mès non vos acabe d'agradar e volerietz trapar quauquarren melhor e coma non a toti aqueri qu'estudiatz e que sonque vos interèsse trapar trabalh de sason.



**BOSSA JOENA
de TRABALH**

Eth procediment a seguir ei fòrça senzilh e simplificat; per part deth treballador sonque a de ramplir un formulari tamb es sues donades personaus e professionaus eth quau passarà tara nòsta base de dades; e er empresari que dispausa d'ua aufèrta de trabalh sonque aurà d'adreçar-se tara nòsta oficina e ramplir un formulari damb es caracteristiques dera plaça de trabalh que vò corbir.

Es formularis vo'les facilitaràn ena madeisha Oficina de Joenessa, e un còp ramplidi, era madeisha Oficina se n'encuedarà de mèter en contacte a treballador e empresa.

Supòrt ath Plan Generau de Joenessa

D'aute biais, eth passat 17 de març, era Secretaria Generau de Joenessa dera Generalitat de Catalonha, Sra. Rosa Maria Pujol i Galobart e eth Mgfc. Sindic d'Aran, Sr. Carlos Barrera, signèren un convèni de supòrt ath Plan Generau de Joenessa dera Val d'Aran entath corresponent an 2003.

Era quantia economica d'aguest convèni s'a establhit en 48.165,00 èuros distribusida en dus concèptes. Ua part entà dar supòrt as accions emmarcades laguens deth Plan Generau de Joenessa entar an 2003 e pera auta part entà dar supòrt ath gestionament dera Oficina de Joenessa deth Conselh Generau d'Aran.

Campeonats de catalonha de patinatge artistic.

Es dies 8 e 9 de març se celebrèc en Palai de Gèu de Vielha ua naua edicion des Campeonats de Catalonha de Patinatge artistic sus gèu, e en eth i participèren 63 patinaires en 9 categories diferentes.

Tanben se celebrèc eth Campeonat dubèrt de Catalonha de Patinatge artistic sus gèu, en tot participar-i patinaires de diferents federacions: madrilenha, basca e aragonesa ath delà dera catalana.

Cau remercar es boni resultats artenhudi pes representants aranesi en Campeonat de Catalonha:

Categoria Minima Masculina:
1èr classificat: Hugo Madrid

Categoria Infantil Femenina:
Campeona de Catalonha: M^a del Mar Delgado

Categoria Infantil Masculina:
Subcampeon de Catalonha: Jonathan Montes

Categoria Junior 1^a:
En aguesta categoria en pòdium siguec exclusivament tàs aranesi

1èr. classificat e Campeon de Catalonha : Juan Ignacio Legaz
2au. classificat e Subcampeon de Catalonha : Marc Gironella
3au classificat : Manuel Legaz



Participacion deth conselh d'esquí ena fasa nacionau d'esquí alpin.

Eth passat dia 2 de març, se celebrèc ena estacion de Port Ainé era fasa territoriau d'esquí alpin, classificatòria tara finau nacionau. Eth Conselh Esportiu dera Val d'Aran participèc damb un totau de 30 esquiaires, en tot èster eth Conselh Esportiu damb mès classificats.

Eth comput totau de medalhes d'aguesti esquiaires siguec:

Categoria Benjamin Masculin:

Oscar Maurelos medalha de bronze

Categoria Alevin Femenin:

Lara Baqués medalha de bronze

Categoria Alevin Masculin:

Pòl Aguirre medalha d'òr

Categoria Infantil Femenin:

Esther Nart medalha d'òr e melhor temps absolut femenin

Categoria Infantil Masculin:

Alex Tella medalha de bronze

Des 30 participants aranesi, 24 se classifiquèren tà participar ena finau nacionau que tanben se celebrèc en Port Ainé eth dia 15 de març, damb es resultats que seguissen:



Categoria Benjamin Masculin:

Javier Castet medalha de bronze

Categoria Alevin Femenin:

Lara Baqués medalha de plata

Sandra Viá medalha de bronze

Categoria Alevin Masculin:

Pòl Aguirre medalha de bronze

Categoria Infantil Femenin:

Iris Mansilla medalha de bronze.



Eth Conselh Esportiu vò felicitar as participatns e encoratjarar-les a toti, ja que damb era sua grana actuacion collaborèren tà arténher era victòria der equip aranés, e ad aguesta felicitacion tanben mos i higem nosati.

Agenda culturau

EXPOSICION "NÒMADES DETH MON"

Exposicion sus era vida e Cultura deth pòble mogòl, ena Sala de Betren enquiath dia 27 d'abriu.

Orari: de 17,00 a 21,00

EXPOSICION COLLECTIUA DE PINTORS E ESCULTORS

Glèisa de Sant Joan d'Arties. Deth 9 d'abriu enquiath 15 de junh.

Inauguracion dera exposicion eth dia 9 d'abriu tàs 19,00 or.

Orari: De dimarts a dimenge de 17,00 a 21,00.

PRESENTACION DETH MATERIAU DE DIFUSION DETH ROMANIC ARANÈS.

Dia 9 d'abriu tàs 19,30 or. ena Glèisa de Sant Joan d'Arties presentacion deth nau materiau de difusion deth romanic aranès.

Aguest materiau consistís en un CD de Carmen Bergés e un libre de Elisa Ros.

SETMANA SANTA EN BOSSÒST.

Pendent es dies de Setmana Santa ei abituau era celebracion des diuèrses professons pròpies dera data, e ena Val d'Aran se celèbren des de hèr fòrça ans ena vila de Bossòst.

Er orari d'aguestes professons serà:

Dia 18 d'abriu. Diuendres Sant

Entàs 10,00 or. Professon deth "Via Crucis"

Entàs 22,00 or. Professon deth "Santo Entierro"

Dia 20 d'abriu. Dimenge

Entàs 12,00 or. Professon deth "Santo Encuentro".

Agenda esportiu

FÓTBOL A CINC

Dies 9 e 11 d'abriu se jogarà ena Sala Polivalenta de Vielha, era fasa prèvia còntre er Alta Ribagorça enes categories alevins, infantils, cadets e juvenils.

Enquiath eth dia 17 de mai se celebrarà ena Sala Polivalenta de Vielha era VIIau. COPA FÓTBOL A CINC damb eth calendari que seguís:

Dia 24 de mai tàs 21,30 Pujòlo Toto's - COPA
22,30 Montgarri - Ossi d'Aran

Dia 25 de mai tàs 21,30 Mercastelló - Gijoe
22,30 Arties - C.A.E.I.

Dia 10 de mai tàs 21,00 SEMIFINAU DERA COPA

Dia 17 de mai tàs 21,00 FINAU DERA COPA

FÓTBOL

Calendari des partits que jogarà eth C.F. VIELHA en camp municipau de Vielha.laguens dera Liga Catalana de Fòtbol.

Dia 18 d'abriu tàs 17,00 or. C.F. VIELHA – E.F. ALTA RIBAGORÇA

Dia 27 d'abriu tàs 17,00 or. C.F. VIELHA – S.E. AEM

Dia 01 de mai tàs 17,00 or. C.F. VIELHA – C.F. JUNCOSA

Dia 18 de mai tàs 17,30 or. C.F. VIELHA – C.F. ARTESA DE LLEIDA

Celandari des partits que jogarà era ESCÒLA DE FÓTBOL VAL D'ARAN , laguens dera Liga Francesa.

Dia 12 d'abriu tàs 15.00 E.F. VAL D'ARAN – U.S. SALIESMANE

E.F. VAL D'ARAN – CAGIRE -JF

Dia 18 d'abriu tàs 15.00 E.F. VAL D'ARAN – BAROUSSE

Dia 3 de mai tàs 15.00 E.F. VAL D'ARAN – E.F.C.A.

Dia 17 de mai tàs 15.00 E.F. VAL D'ARAN – GOURD.MONT.HU

Dia 24 de mai tàs 15.00 E.F. VAL D'ARAN – BAROUSSE

NATACION

Dia 26 d'abriu ena piscina deth PALAI DE GÈU de Vielha, FINAU DERA VAL D'ARAN de natacion.

Es que guanhadors d'aguesta finau, se classificaràn tara Fasa Territorial